

# YANGI O'ZBEKISTON

Ijtimoiy-siyosiy gazeta

№ 210 (999), 2023-yil 11-oktabr, chorshanba



www.yuz.uz



yuz.uznews



yuz\_official



yuz.uz\_news



## YANGI O'ZBEKISTON RUHI

### TINCHLIK VA BAG'RIKENGLIKKA CHORLOV

Bu yangi tashabbuslar umumbashariy muammolarga qaratilgani bilan ahamiyatlidir



Yurtimizda ilm-ma'rifatga e'tibor, ajdodlar merosini o'rganish, targ'ib etish va islom dinining insonparvarlik, bag'rikenglik, ezgulikka qaratilgan g'oyalarini jamiyat ma'naviy hayotiga yo'naltirish muhim ishlardan bo'lmoqda. Ayniqsa, "Yangi O'zbekiston — Uchinchi Renessans" ezu g'oyasining ilgari surilishi va bosqichma-bosqich amalga oshirilishi bugungi globalashuv jarayonida muhim amaliy qadamlardir.



Bugun geosiyosiy maydonda turli nizolar, etnik to'qnashuvlar, iqlim o'zgarishi, ochlik va tengsizlik, ayirmachilik singari umumbashariy muammolar kuchayib borayotir. Bu kabi jarayonlar dunyo hamjamiyatini hamisha hushyorlikka chaqiradi, hamjihatlik bilan ish yuritishga undaydi. Shu bilan

birga, umumbashariy muammolarni bartaraf etishda umummilliy g'oya, umuminsoniy tuyg'u, o'zaro murosakorlik asosiy maslak bo'lishi lozimligini taqozo etadi. Ayni shu jihatlar e'tibor qaratgan holda, Prezident Shavkat Mirziyoyev xalqaro darajadagi sammit va yig'ilishlarda tinchliksevarlikka

qaratilgan ilg'or tashabbuslarni ilgari surib, dunyo hamjamiyatini birdamlikda ishlashga takror va takror chaqirmoqda. Yangi O'zbekiston shu orqali o'z taraqqiyot yo'lida sobitqadam ekanini ko'rsatmoqda.

Davomi 2-betda

## O'ZBEKISTON 2030 STRATEGIYASI

### OGOHO VA HUSHYOR NIGOHO

RAQAMLI TRANSFORMATSIYA VA KIBERXAVFSIZLIK BORASIDA SAMARADOR CHORA-TADBIRLAR QANDAY BO'LISHI KERAK?

Jinoyatchilikka qarshi kurashish yo'nalishidagi tadqiqotlar yildan-yilga jinoyatlarning yangi turlari paydo bo'layotganini ko'rsatmoqda. Dunyoni raqamlashtirishning yuqori sur'atda rivojlanishi ta'sirida jinoyatlar shakllari va uni sodir etish usullari ham zamonaviylashtirib borayotgani yanada tashvishlidir. Buning natijasida axborot texnologiyalaridan foydalanib, shaxsga va uning mulkiga tajovuz qilishga qaratilgan huquqbuzarliklar, ya'ni kiberjinoyatchilik ko'paymoqda.

Tahlillar va statistik ma'lumotlarga ko'ra, 2022-yilda kiberjinoyatlar ortidan keladigan yillik global zarar 8,4 trillion dollarga teng bo'lgan bo'lsa, 2026-yilda bu ko'rsatkich 120 foiz o'sib, 20 trillion dollarga yetishi prognoz qilinmoqda. Shuningdek, ayrim manbalarda ta'kidlanishicha, 2024-yilga kelib, kiberjinoyatlar global transmilliy jinoyatlarning umumiy sonidan ko'ra, 5 barobar ko'proq sodir etilishi kutilmoqda.

2025-yilda dunyoda kiberjinoyatlariga qarshi kurashuvchi tuzilmalar davlat va xususiy serverlari, bulutli ma'lumot markazlari, shaxsiy kompyuter va qu-rilmalarida saqlanadigan jami 2 ming zettabaytlik (2 trillion terabayt) ma'lumotlar xavfsizligini ta'minlashi lozim bo'ladi. Chunki kiberjinoyatchilikning avj olishi oqibatida istalgan korxonatashkilotning ma'lumotlar bazasi kiberhujumga uchrashi ehtimolini rad

etib bo'lmaydi. Bu borada mustahkam himoya choralarini ko'rish talab etiladi. Shu sababli hozir butun dunyoda kiberjinoyatchilikka qarshi kurashishga huquqni muhofaza qiluvchi organlar faoliyatidagi eng dolzarb muammolardan biri sifatida qaralmoqda.

Bu global muammo O'zbekiston uchun ham dolzarb. Zero, butun dunyoda bo'lgani kabi mamlakatimizda ham axborot texnologiyalari jadal rivojlanmoqda. Tabiiyki, bu jarayonda kiberjinoyatchilikning oldini olish ustuvor vazifaga aylana-di. Ayni jihatlar e'tiborga olinib, 2022-yil 15-aprelda "Kiberxavfsizlik to'g'risida"gi qonun qabul qilindi. Qonunda kiberxavfsizlikni ta'minlashning asosiy prinsiplari, kibermakonda shaxs, jamiyat, davlat manfaatlarini himoya qilish borasidagi ustuvor vazifalar belgilab berilgan.

Davomi 3-betda

## AGRAR TARMOQ



### "TO'QSONBOSTI" ham daromad, ham oziq-ovqat xavfsizligida muhim usul

E'tibor bersangiz, bahor adoqlab, yoz arafasida bozorlarimizda sabzavot mahsulotlari, turli ko'katlar paydo bo'ladi. Ro'zg'orimizga fayz-baraka olib kiradigan bu kabi sarxil ne'matlar, aslida, "to'qsonbosti" usuli mahsulidir. Buni iste'molchi sifatida oddiy odamlar yaxshi bilmasliklari mumkin, lekin dehqonlar yaxshi biladi. Nafaqat biladi, balki uni yetishtirish bo'yicha yetarlicha tajribaga ham ega.

Hozir "to'qsonbosti" usulida ekin ekishning ayni payti. Shu bois, dehqonlarimiz e'tiborini shu jarayonga qaratmoqda. Binobarin, bu usuldan samarali foydalanishning ahamiyati katta. Odatda, "to'qsonbosti" ekin ekish ishlari kuzning birinchi oyidan boshlanib, noyabr oyining oxiri — dekabrning boshlarida tugallanadi.

Dehqonchilikda mazkur usul bizda azaldan qo'llaniladi. Yerga qadalgan

urug' haqiqiy qish kunlari, ya'ni uch oy davomida tuproq ostida turgani uchun ushbu usul "to'qsonbosti", deb ataladi.

Mamlakatimiz aholisining ertagi sabzavot mahsulotlariga bo'lgan talabini to'liq qondirish maqsadida sovuqqa chidamli ekinlardan sabzi, piyoz, osh lavlagi, ko'katlar (kashnich, petrushka, seldrey, salat) kabi ekinlar "to'qsonbosti" usulida yetishtiriladi.

Davomi 4-betda

## ISLOHOT ODIMLARI

### YANGILANAYOTGAN DEHQONOBOD

ODAMLAR TURMUSH TARZINI HAM O'ZGARTIRMOQDA

Dehqonobod tog'li tumanlardan biri. Aholisining asosiy qismi tog' va tog'oldi joylarda istiqomat qiladi. Shu paytga qadar asosan, chorvachilik va dehqonchilik bilan shug'ullanib kelgan. Aytarli biror korxonaga yoki ishlab chiqarish majmuasi bo'lmagani bois, aholi bandligini ta'minlash doimo hududda katta muammo edi. Lekin islohotlar samarasida bugun tumanda vaziyat tubdan o'zgarimoqda. Buni erishilayotgan natijalar misolida ham ko'rish mumkin.



Dovon oshib tuman markaziga kirib borarkansiz, ravon yo'llar, yangidan-yangi ishlab chiqarish obyektlari, maishiy xizmat ko'rsatish majmuatlari, savdo do'konlarini ko'rib, ko'zingiz quvnaydi.

Har bir sohada bo'layotgan yangilanishlar tumanning azaldan mehnatkash va tanti odamlarining turmush tarzida, kayfiyatida aks etmoqda.

Davomi 2-betda

## NUQTAYI NAZAR

### OROL DARDI ARIYAPTI

BMT Bosh Assambleyasida yangragan nutqdan keyingi o'ylar

Prezidentimizning BMT Bosh Assambleyasi 78-sessiyasidagi nutqi keng qamrovli, kun nafasi va ruhi ufurib turgan, mintaqamiz rivojiga xalal berayotgan omillar to'laonli tahlil qilingan konseptual dastur o'laroq yangradi. Undagi masalalar Markaziy Osiyo xalqlarining bir-ikki yillik emas, balki yarim asr nari-berisidagi iztiroblarini o'zida mujassam etgan. Birgina Orol dengizi fojiasini o'rganib tahlil qilarkanmiz, uning oqibatlari Markaziy Osiyo xalqlari, xususan, Orolbo'yida yashagan aholi uchun naqadar og'riqli bo'lganini ko'ramiz. Buning uchun yaqin o'tmishga yuzlanib, tarix sahifalarini bir oz varaqlamoq kifoya.

Jahon sog'liqni saqlash tashkiloti ma'lumotiga ko'ra, 2020-yilda 19,3 million aholi xavfli o'sma kasalligiga chalingani hisobga olingan. Ilm-fanga umumiy onkologik xavfli o'smalarning 220 turi borligi ma'lum. Shular ichida eng dolzarbi qizilo'n-gach saratoni (qiltomoq)dir. Bu bilan dunyoda har yili 600 mingdan ziyod bemor hisobga olinadi. Bu raqam

Davomi 5-betda

## YUKSALISH

### ILM-FAN VA TA'LIM INTEGRATSIYASI MAHSULI

Ilm-fan va ta'lim. Bu ikki soha o'zaro chambarchas bog'liq bo'lib, jamiyatni modernizatsiya qilish, texnik va texnologik yangilash, yirik strategik loyihalarni amalga oshirishda muhim omil sifatida namoyon bo'lmoqda. Shu bilan birga, murakkab texnologiyalarga asoslangan "o'sish nuqtalari"ni aniqlashda zarur ko'nikmalarni shakllantirishda ham ahamiyatlidir. Umuman, ilm-fan va ta'lim integratsiyasi matematika, texnologiya, muhandislik va san'at kabi turli yo'nalishlar o'rtasida hamkorlik imkoniyatini taqdim etadi. Bunday tizimli yondashuv orqali fanlararo munosabatlar ham yangi bosqichga ko'tariladi.

Davomi 5-betda









